

Evening Dogri (NSD) Bulletin 01-02-2025

आकाशवाणी

खास—खास खबरां

1. खजाना मंत्री निर्मला सीतारमण होरें एनडीए दे त्रीए कार्यकाल दा पैहला पूरा पराता बजट पेश कीता जेहड़ा समावेशी विकास ते मध्यम वर्गीय खर्च शक्ति गी बढ़ावा देने पर केन्द्रितऐ।
2. खजाना मंत्री होरें आखेआ जे नमीं टैक्स नीति तैहत 12 लक्ख रुपे दी सलाना आमदन पर हून कोई टैक्स नेई देना होग।
3. प्रधानमंत्री नरेन्द्र मोदी होरें आखेआ जे केन्द्रीय बजट 2025—26, 140 करोड़ भारतीयें दी आसें—मेदे गी सबूरा करने लेई सरकार दे धेइयै गी दर्शादा ऐ।
4. केन्द्रीय बजट पेश करने दे मगरा लोकसभा दी कारवाई दिन भर स्थगित कीती गई।
5. राष्ट्रपति द्रौपदी मुर्मू होरें नमीं दिल्ली च विश्व पुस्तक मेले 2025 दा उद्घाटन कीता, आखेआ जे किताबां पढ़ना नां सिर्फ इक शौक ऐ सगुआं एह तब्दीली दा तर्जुबा बी ऐ।
- 6 हाकी इंडिया लीग हैदराबाद तूफांस दा मकाबला राउरकेला च अज्ज शराची बंगाल टाइगर्स कन्नै होग।

<><><><><><>

FM Budget Slabs

खजाना मंत्री निर्मला सीतारमण होरें अज्ज एनडीए सरकार दे त्रीये कार्यकाल दा पैहला पूरा—पराता बजट संसद च पेश कीता। लोकसभा च इस बजट गी पेश करदे होई खजाना मंत्री होरें ऐलान कीता जे 12 लक्ख रुपें तगर दी औंदन पर हून टैक्स नेई देना पौग। पैहले एह हद्द 7 लक्ख रुपें तगर दी ही। इस्सै चाल्ली

नौकरी पेशा करदाताएं गी स्टैंडर्ड डिडक्शन 75 ज्हार रपे करी दित्ते जाने दे चलदे 12 लक्ख 75 ज्हार रपें तगर दी औंदन उप्पर टैक्स नेई देना पौग। खजाना मंत्री हुंदे आसेआ अज्ज पेश च रक्खी गेदी टैक्स सलैब दिएं दरें मूजब 4 लक्ख रपें तगर उप्पर कोई टैक्स नेई, 4 शा 8 लक्ख रपें उप्पर 5 फीसद, 8 शा 12 लक्ख रपें उप्पर 10 फीसद, 12 कोला 16 लक्ख रपें उप्पर 15 फीसद, 16 थमां 20 लक्ख रपें दी औंदन उप्पर 20 फीसद टैक्स, 20 थमां 24 लक्ख रपें दी औंदन पर 25 फीसद टैक्स ते सलाना 24 लक्ख रपें शा उप्पर दी औंदन उप्पर 30 फीसद टैक्स दी बवस्था कीती गई ऐ। एहदा मतलब एह होआ जे नमीं टैक्स प्रणाली दे तैहत 12 लक्ख रपें दी सलाना औंदन आहले व्यक्ति गी टैक्स च 80 ज्हार रपें दा लाह हासल होग। इस्सै चाल्ली 18 लक्ख रपें तगर दी औंदन आहले व्यक्ति गी टैक्स च 70 ज्हार रपें दा लाह होग ते 25 लक्ख रपें तगर दी औंदन आहले माहनुयै गी टैक्स च 1 लक्ख 10 ज्हार रपें दा लाह हासल होग।

<><><><><><>

Finance Minister Budget

केन्द्री खजाना मंत्री निर्मला सीतारमण होरें लोकसभा च केन्द्र बजट 2025—26 पेश कीता। बजट पेश करदे होई उनें आखेआ जे दुनिया दी बधदी अर्थबवस्थाएं च भारत दी अर्थबवस्था सारें शा मती तेजी कन्नै बधा'रदी ऐ। उनें आखेआ जे प्रस्तावित बजट च 10 व्यापक क्षेत्रें उप्पर ध्यान दित्ता गेदा ऐ। इस बजट दा मकसद हर कुसै गी समावेशी विकास दी बत्ता उप्पर लेई जाना ऐ। खजाना मंत्री सीतारमण होरें आखेआ जे एह बजट विकास च तेजी आन्नने लेई समर्पित ऐ ते जेहड़ा विकसित भारत दी साढ़ी आकांक्षाएं कन्नै प्रेरित ऐ। उनें आखेआ जे इस बजट दा मकसद कर, बिजली क्षेत्र, शैहरी विकास, खनन माली क्षेत्र ते नियमन सुधारें सनें 6 डोमेन्स च परिवर्तन कारी सुधारें गी शुरू करना ऐ।

<><><><><><>

Farmers Benefit

खजाना मंत्री निर्मला सीतारमण होरें किसान क्रेडिट कार्ड सरबंधी ब्याज अनुदान दी हद्द गी 3 लक्ख रुपें शा बधाइयै 5 लक्ख रुपे करने दा ऐलान कीता ऐ जेह्दे कन्नै 7 करोड़ 70 लक्ख शा मते करसानें, मच्छेरें ते डेयरी करसानें गी लाह हासल होग। सरकार, भलेआं लौह्के, लौह्के ते दरम्याने दर्जे दे उद्योगें यानि एम.एस.एम.ई. लेई दोआर गरंटिएं च बी बाददा करोग ते भलेआं लौह्के उद्यमें लेई 5-5 लक्ख रुपें दी हद्द तोहड़ी दे क्रेडिट कार्ड बी जारी करोग। एह्दे अलावा प्रधानमंत्री धन-धान्य कृषि योजना नांS दे इक नमें राई-बाई प्रोग्राम तैह्त् घट्ट उत्पादन आहले 100 जिलें गी आहन्नेया जाह्ग जेह्दे कन्नै 1 करोड़ 70 लक्ख करसानें गी लाह होग।

<><><><><><>

Mudra Loans

खजाना मंत्री निर्मला सीतारमण होरें अज्ज आखेआ जे सरकार, राज्यें कन्नै रलियै शीर्ष 50 सैलानी थाहरें गी विकसित करोग ते होमस्टे यानि घरै च ठैहरने सरबंधी गतिविधिएं लेई बी मुद्रा लोन मुहैआ करोआग। मुख्ये च सैलसफा गी बढ़ावा देने दे जतनें च सीतारमण होरें आखेआ जे प्राइवेट क्षेत्र कन्नै सांझेदारी च मैडिकल टूरिज्म गी बढ़ावा दित्ता जाग ते सरकार भगवान बुद्ध हुंदे जीवन ते समें कन्नै जुड़े दी थाहरें पर बी खास ध्यान देग। 2025-26 दा बजट पेश करदे होई मंत्री होरें एह् बी आखेआ जे पच्छमी कोसी नैहर लेई आर्थिक मदाद दित्ती जाग जेह्दे कन्नै बिहार दे मिथि लांचल क्षेत्र च 50 ज्हार हेक्टर जिमीं गी फायदा पुज्जोग।

<><><><><><>

Medicines

વિત્ત મંત્રી હોરેં બજટ ચ એહ્ એલાન કીતા એ જે 36 જીવન રક્ષક દવાઈએં ગી બુનિયાદી કસ્ટમ ડ્યૂટી થમાં પૂરી ચાલ્લી છૂટ દિત્તી જાહગ। ઇસ ગૈંહ કનૈ કૈંસર, હોર દુર્ડિ બિરલી તે પરાની બમારિએં થમાં પીઢિત મરીજેં ગી મતી રાહત મિલોગ। બજટ ચ 6 બાદ્દૂ જીવન રક્ષક દવાઈએં ઉપ્પર 5 ફીસદ રિયાયતી કસ્ટમ ડ્યૂટી દા પ્રસ્તાવ બી કીતા ગેઆ એ। એહ્દા મકસદ ઇ'નેં મહત્વપૂર્ણ દવાઈએં ગી કિફાયતી બનાના એ।

<><><><><><>

Exemption

ઇસ્સૈ ચાલ્લી ઘરેલૂ સતહ ઉપ્પર માલ તૈયાર કરને ગી બઢાવા દેને દે મકસદ કન્નૈ કોબાલ્ટ પાઉડર, લીથિયમ-ઈઓન બૈટરિએં દે કબાઝ તે 12 મહત્વપૂર્ણ ઁનિજેં ગી બીસીડી થમાં છૂટ દિત્તી જાહગ। બજટ ચ ઇલૈક્ટ્રિક ગઢિડએં લેઈ બૈટરિયાં તૈયાર કરને દે મકસદ કન્નૈ 35 ઁીજેં-બસ્તેં તે મોબાઈલ ફોન દિએં બૈટરિએં દે ઉત્પાદન ગી બઢાવા દેને દે મકસદ કન્નૈ 28 ઁીજેં-બસ્તેં ગી શુલ્ક મુક્ત સૂચિ ચ પાયા ગેઆ એ।

<><><><><><>

Women Employment

ઁજાના મંત્રી નિર્મલા સીતારમણ હોરેં 5 લક્ષ્ઁ મહિલાએં સને પટ્ટી ઢર્જ જાતિ તે જનજાતિ દે પૈહલી બારી આહલે ઉઘમિએં લેઈ ઇક નમીં યોજના દા એલાન બી કીતા એ। એહ્દે તૈહત અગલે 5એં બ'રેં ઢરાન 2 કરોઢ રપેં તગર દે મયાદી ઢોઆર-કર્જે ઉપલબ્ધ કરોઆઢન। સીતારમણ હોરેં આઁવેઆ જે ભારત દે જૂતેં તે ચમઢા ઁત્તર ઢી ઉત્પાદન સમર્થ, ગુણવત્તા તે મુકાબલેબાજી બઢાને આસ્તૈ ઇક કેન્ઢ્રિત ઉત્પાદ યોજના ગી બી લાગૂ કીતા જાહગ। એહ્દે કન્નૈ મેદ એ જે 22 લક્ષ્ઁ લોકેં ગી

रोजगार दे मौके हासल होउन ते 4 लक्ख करोड़ रुपें तगर दा कारोबार ते 1 लक्ख 10 जहार करोड़ रुपें दे निर्यात बी होउन।

<><><><><><>

Jal Jeevan Mission

केन्द्री खजाना मंत्री निर्मला सीतारमण होरें अज्ज ब'रे 2025—26 दा केन्द्री बजट पेश करदे होई आखेआ जे जल जीवन मिशन लेई होर मते बजट दे प्रावधान कन्नै एहदा विस्तार 2028 तगर करी दित्ता गेआ ऐ। उनें गलाया जे भारत दी ग्रामीण आबादी दा 80 फीसद हिस्सा यानि 15 करोड़ परोआरें गी जल जीवन मिशन दे तैहत नलकें राहें पीने आहले पानी दी सुविधा उपलब्ध करोआई गई ऐ ते 100 फीसद योग्य लोकें गी इस योजना दे दायरे हेठ आहनने दे मकसद कन्नै इस योजना दा विस्तार 2028 ब'रे तगर कीता गेआ ऐ। उनें गलाया जे आम नागरिकें उप्पर केन्द्रित पानी सरबन्धी सेवाएं दी दस्तयाबी जकीनी बनाने लेई राज्यें ते केन्द्र शासित प्रदेशें दे कन्नै बक्खरे सैहमति पत्तरें उप्पर दस्तख्त कीते जाउन।

<><><><><><>

LG Budget

लेफ्टिनेंट गवर्नर मनोज सिन्हा होरें विकसित भारत लेई इक बवहारिक बजट पेश करने गितै वित्ती मंत्री निर्मला सीतामरण हुंदा आभार जताया ऐ। श्री सिन्हा होरें गरीबें, नौजवानें, करसाने ते महिलाएं लेई दलेरी—भरोची विकास पैहलकदमियां करने लेई प्रधानमंत्री नरेन्द्र मोदी हुंदा बी धन्नवाद कीता। सोशल मीडिया मंच एक्स उप्पर जारी इक बयान च एलजी होरें मझाटले तबके गी लाह पुजाने आहले ऐतिहासिक टैक्स सुधारें उप्पर लोऽ पाई। उनें राई—बाई, ढांचागत विकास, एम. एस.एम.ई. ते नमिएं काहडें बक्खी खासतौर उप्पर केन्द्रित बजट दी सराहना करदे

होई विकास दी रफ्तार बधाने ते सब्बनें लेई इक—बरोबर मौके पैदा करने च एहदी भूमिका उप्पर जोर पाया ऐ।

<><><><><><>

JK Budget

केन्द्र सरकारै अगले माली ब'रे 2025—26 लेई केन्द्र शासित प्रदेश जम्मू—कश्मीर लेई 41 ज्हार 7 करोड़ रुपें दी बंड्ड दी तजवीज़ कीती ऐ। बजट सरबंधी आकड़े एह दस्सा करदे न जे केन्द्री बजट च अगले माली ब'रे लेई जम्मू—कश्मीर गी केन्द्र सहायता च कोई बाददा नेई कीता गेआ ऐ। जम्मू—कश्मीर लेई रक्खे गेदे 41 ज्हार 7 करोड़ रुपें चा 40 ज्हार 619 करोड़ 30 लक्ख रुपे, संसाधनें दी बित्थ गी पूरने लेई जम्मू—कश्मीर गी केन्द्री सहायता दे तौर उप्पर रक्खे गे न। बजट सरबंधी दस्तावेजे मूजब, केन्द्र शासित प्रदेश दे आपदा प्रतिक्रिया कोष च जोगदान लेई ग्रांट दे तौर उप्पर 2 सौ 79 करोड़ रुपे ते ढांचागत परियोजनाएं लेई संसाधनें दी बित्थ गी पूरा करने लेई 101 करोड़ 77 लक्ख रुपे दित्ते गे न।

<><><><><><>

PM-Budget

प्रधानमंत्री नरेन्द्र मोदी होरें आखेआ ऐ जे केन्द्र बजट 2025—26, 140 करोड़ भारत वासिएं दी आकांक्षाएं गी पूरा करने लेई सरकार दी प्रतिबद्धता गी दर्शादा ऐ। बजट दे मगरा अपने संदेश च प्रधानमंत्री होरें आखेआ जे एह बजट भारत दी विकास यात्रा च इक महत्वपूर्ण मील दा पत्थर ऐ। उनें आखेआ जे एह बजट हर भारतीय दे सुखने गी पूरा करदा ऐ। उनें इस बजट गी फोर्स मल्टीप्लेयर आखेआ ते कन्नै एह बी आखेआ जे इस बजट कन्नै मुख्य च बचत, निवेश, खपत ते विकास च बाद्धा होग। मोदी होरें आखेआ जे इस बजट कन्नै मुख्य दे मध्यम वर्ग गी मता फायदा होग की जे 12 लक्ख रुपे तगर दी आमदनी गी छूट दित्ती गई ऐ। उनें आखेआ जे एहदे कन्नै खेतीबाड़ी क्षेत्र गर सशक्त बनाया जाग ते ग्रामीण

अर्थबवस्था गी बी बढ़ावा थहोग। प्रधानमंत्री होरें आखेआ जे एह बजट एमएसएमई ते निक्के कारोबारिएं गी सशक्त बनाने लेई निर्माण कम्में उप्पर ध्यान दित्ता ऐ।

<><><><><><>

Parliament

केन्द्री बजट पेश होन दे अगले दिन लेई लोकसभा दी कारवाई स्थगित करी दित्ती गई ऐ। इस गिमां पैहले बडलै जिसलै सदन दी बैठक होई ते खजाना मंत्री होरें बजट पेश करना शुरू कीता तां कांग्रेस, समाजवादी पार्टी ते डीएमके सनें किश विपक्षी सांसदे थोड़े चिरे लेई वाल्कआउट कीता। एह सारे महाकुंभ च होई दी घटना उप्पर विरोध प्रदर्शन करा'रदे हे। राज्य सभा गी बी इक दिन लेई स्थगित करी दित्ता गेदा ऐ। लोकसभा च बजट पेश करने मगरा अज्जदपैहरी उच्च सदन दी बैठक होई ते बजअ दी कापी राज्यसभा च पेश कीती गई। बाद च इसगी बी दिन भरै लेई स्थगित करी दित्ता गेआ, दौनें सदनें दी बैठक हुन सोमवारें गी होग।

<><><><><><>

President-Book Fair

राष्ट्रपति द्रौपदी मुर्मू होरें आखेआ ऐ जे किताबें गी पढ़ना सिर्फ श कैक गै नेई ऐ सगुआं इक तब्दीली कन्नै जुड़े दा तर्जुबा ऐ। अज्ज द्रौपदी मुर्मू नमीं दिल्ली च विश्व पुस्तक मेले-2025 दा उद्घाटन करदे होई आखेआ जे बक्ख-बक्ख भाषाएं ते सांस्कृतिकें दियां कताबां पढ़ने कन्नै क्षेत्रें ते समुदायें बश्कार पुल बनी जंदे न। राष्ट्रपति होरें सारें गी अपील कीती जे ओह बच्चें लेई किताबें दे निर्माण ते प्रचार प्रसार गी खास तवज्जो देन। राष्ट्रपति मुर्मू होरें आखेआ जे बच्चें च जेहड़ी इक बेहतरीन आदत पैदा होई सकदी ऐ ओह ऐ किताबें गी पढ़ने दा शौक। भारतच रूस दे राजदूत, डेनिस अलीपोव स्कूली शिक्षा सचिव विनीत जोशी, लोक प्रिय रूसी लेखक डॉ. अलेक्सी बरलामोव, नैशनल बुक ट्रस्ट दे

चेयरमैन प्रो. मिलिंद सुधाकर ते इससै ट्रस्ट दे डायरेक्टर युवराज मलिक इस मौके पर मजूद हे। भारतीय गणतंत्र दिवस दे 75 ब'रे पूरे होने दे सिलसिले च आयोजत इस ब'रे दे पुस्तक मेले दा विशेषार ऐ—“हम भारत के लोग” इस ब'रे दे पुस्तक मेले च रूस प्रमुख मुख्य दे तौरा पर शामिल ऐ। मेला 9 दिनें तगर चलोग ते एहदे च फ्रांस, अर्जेन्टीना, स्पेन, कोलम्बिया, अबूधाबी ते कतर सनें 50 थमां मते मुख्य हिस्सा लै'रदे न। तकरीबन 2 जहार प्रकाशक ते इक जहार वक्ता बी विश्व पुस्तक मेले च भागीदारी करा'रदे न।

<><><><><><>

Hockey

हाकी च हैदराबाद तूफांस दा मकाबला अज्ज शराची बंगाल टाइगर्स कन्नै अज्ज राउरकेला दे बिरसा मुंड हाकी स्टेडियम च हौं इंडिया लीग खताब लेई होग। मैच भारतीय समे मताबक सवा 8 बजे शुरू होग। तूफांस जेएसडब्ल्यू सूरमा हाकी क्लब पर 3—1 दी निर्णायक जित्त कन्नै पैहले गै फाइनल दी दावेदारी ऐ। दुए पास्से बंगाल टाइगर्स नै तमिलनाडू ड्रैगन खलाफ पेनल्टी शूटआउट च 6—5 दी रोमांचक जित्त कन्नै अपनी थाहर पक्की करी लैती। उआं जेएसडब्ल्यू सूरमा हाकी क्लब दा मकाबला अज्ज त्रीए थाहरे पर रौहने आले मैच तमिलनाडू ड्रैगन कन्नै होग।

<><><><><><>